



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Cisterciensi, De Firmitate, de Pontiniaco, de Claravalle, de Morimundo, &
universis Cisterciensis ordinins Abbatibus.

urn:nbn:de:hbz:466:1-20020

ponsum, fraternitati tuæ super hoc ad præiens aliud non duximus respondendum nisi quod eum, quem firmiter credimus super hoc nostro mandato & consilio paritum, celerius quam poterimus ad te simul & Antiochenam Ecclesiam transmittimus, non solum patriarchalia sibi conferentes insignia quæ conferri decebit à nobis, verum etiam in necessariis hilariter providentes, in quibus possit commodè pertransire. Tu ergo, sicut expedire cognoveris, providas interim diligenter universa quæ negotium hoc contingunt. Ceterum super iis que de discordia inter illum Regem Armeniae ac dilectos filios fratres militiae Templi, necon & inter Comitem Tripolitanum ac Regem eundem pro nepote suo nostro apololatui suggestissimi, hoc providimus expedire, ut cum, donec fidelium servitibus imminet gladius paganorum, iij quos illis concorditer oportet opponi sine periculo gravi nequeant ad invicem discordare, adhuc opportunè importunè prudenter studeas & diligenter insistas ad treugas invicem ineundas, si fortè dissensionum cauas nequiveris inter eos judiciali calculo terminare, excommunicationis sententiam pro Templariis rationabiliter promulgatam usque ad satisfactionem condigam faciens inviolabiliter observari. Regi quoque prædicto suadeas diligenter ut ea quæ præfatis Templariis ablata detinet minus justè restituat, & alia nec auferre nec detinere præsumat injustè, ex parte tam nostra quam tua sibi fortiter comminando & interminando prudenter quod cum abstulerit illis ea per quæ repugnare possent perfidie paganorum, verendum proculdubio sibi erit ne, nonobstante quod Christianos non impugnare noverunt, armetur in ipsum, qui sic eos debilitando videtur paganos contra ipsos armare, maximè dum propter hoc est à communione fidelium segregatus. Cum autem de terra sanctæ necessitatibus, quantum in ea potest ab homine procurari, in tuam specialiter inter homines fiduciā respiremus, rogamus & obsecramus in Domino Iesu Christo quatinus eti peccata populi tanta sint quod nedum vetus flagellum avertere mereantur, verum etiam novum excipere digni essent, quia tamen Deus infinita misericordiae iniquitates singulas non observat, nec sperantium in se afflictionibus delectatur, tribulationem pauperum pronunties ante ipsum, & in conspectu ejus tuam orationem effundas, ut & culpam diluat & poenam avertat, cum ip-

sius adjutorio præbens operam, prout poteris, efficacem ad terram ipsam inter circumstans angustias conservandam. Nos enim, qui pro suis doloribus mætre afficimur tota die, nec cessavimus hactenus nec cessamus, in quantum vires Dominus administrat, opportunum sibi procurare succursum. Et cum jam Philippo quondam Duce Sueviae interempto, ac carissimo in Christo filio nostro illustri Rege Ottone in Romanorum Imperatorem electo totum Imperium obtinente, ipsius discordia sit sedata, qua succursum ejusdem terra multipliciter impedivit, insistimus incessanter ut ei pleniùs & fortius succurratur. Præterea non te lateas quod in proximo quandam pecuniam non modicam disponimus destinare, assignandam tibi & Templariis ac fratribus Hospitalis, & in utilitates ejusdem terræ, prout expedire videbitur, exponendam. Datum Laterani 111. Non. Martij, pontificatus nostri anno duodecimo.

*CISTERCIENSI, DE FIRMITATE,
de Pontiniaco, de Claravalle, de Morimundo, & universis Cisterciensis ordinis Abbatibus.*

Expositis nobis iis quæ ad petitionem vestram super interdicti negotio in regnum Angliae promulgati nos inducutra putasti, intelleximus ea maximè circa quatuor comprehendendi. Primò, quod prilegium speciale per antiquam nec aliquando, sicut dicitis, violatam consuetudinem approbatum, cum nihil demerueritis circa ipsum, conservari vobis humiliter flagitatis. Secundò, quod cum extra communes sitis positi mansiones, tanto fine scandalio quanto sine consortio celebrare poteritis aliorum. Tertiò, quod ex disfuetudine celebrandi gravis in religione jactura & in ordine dissolutio secutura timetur. Quartò, quia per immolationem hostiæ salutaris Deus, in cuius manu cor Regis est, & quounque voluerit vertet illud, citius super hoc speraretur esse placandus, ut ipsum à sua duritia revocaret. Habito itaque cum fratribus nostris diligenti tractatu, & iis quæ pro petitione prædicta cum illis quæ contra ipsam facere videbantur mutua compensatione collatis, causas causis invenimus repugnare. Licet enim nobis ab initio placuisse ut circa vos juxta privilegij vestri tenorem ejusdem interdicti fuisset sententia temperata, quia tamen hi qui tulerant eandem auctoritatem apostolicam habuerunt, nihil in

*Epiſt. 9.
De negotio in-
terdicti Angli-
cani.
Vide ſuprad
lib. 11. epif. 159.
260.*

ipius privilegij praedictum factum esse videtur, quod salva semper auctoritate praedicta noscitur esse concessum. Propter quod ipsi quoque consuetudini, qua nimur & ex ipso & cum ipso processit, non est praedictialiter derogatum, pro qua in hoc praesertim articulo conservanda rogarē ferō videmini recordati; quandoquidem super hoc postquam interdictum ceperitis, nec privilegio nec consuetudine vos tuendo, servare, praeposteris ad nos precibus recurristis, non attendentis forsitan quod res ipsa multipliciter est ex multis circumstantis aggravata, propter quas difficile jam est vestris precibus descendendi, quibus forte facile potuisset in principio provideri. Sanè si Rex, cum quo remisē non est in hac pugna luctandum, ex quacunque parte lente scere nos sentiret, de nostra fortasse fumeret debilitate vigorem, & suspicatus ex pusillanimitate nos facere quod ex providentia faceremus, prevalendi fiducia tanto contra manus artantis eum pertinaciū se opponeret quanto lentiū eas suo conamini restitisse putaret. Præterea visum est quod non solum Clerici seculares, sed & alij quoque religiosi, si petitio vestra consequeretur effectum, ad grave possente scandalum commoveri, cùm isti religionem vestram quodammodo, ex eo quod decimas iporum percipitis, emulentur, ac solatium reputantes socios habere pœnarum, gravius torquerentur ex eo, si tacentibus ipsis vos intermissa viderent officia resumpſisse quam si nunquam ab initio cessassetis, quos potius suis vellet moribus conformari, ut sicut gaudetis cum gaudientibus, ita etiam cum lugentibus lugeretis, & illi qui, quantum ad hoc, vobiscum gaudent quasi similibus privilegiis, gratiam vobis factam suam injuriam reputarent, nisi permittereatur eidem saltē clausis januis & non pulsatis campanis, exclusi excommunicatis & interdictis, secundum sua privilegia celebrare, quia quamquam ista non sint in privilegiis vestris expressa, utraque tamen privilegia, vestra videlicet & illorum, quantum in hoc, ad eundem tendere vindentur effectum, cō quod illa quæ in iis exprimi familiaris hominum monuit habitatio, taceri suasit in vestris remotior solitudo. Alioquin in hujusmodi casu tam accusabiliter excommunicatis vel interdictis accendentibus & praesentibus cantaretur à vobis quam excusabiliter ipsis recentibus & absentibus celebraretur ab illis. Aliud quoque petitioni vestrae videbatur

obstare, confusio scilicet executorum nostrorum; qui cùm in hoc zelum secundum scientiam procul dubio habuisse noscantur, immo cùm pro causa præsenti nec iram Principis nec exilium declinarint, sed usque ad mortem obediare parati, quod injunctionem est eis laudabiliter & constanter sint haec tenus executi, profecto indignissimum reputamus ut quasi quod ab eis bene actum est reprobando, non solum confusionem inducamus in ipsis, verum etiam totum quod in eis ex magna parte constitutum negotium enervemus. Illud autem quod de dissolutione ordinis, qua timetur ex celebrandi dissuetudine proventura, non est visum se usquequa cum alio periculo compensare; quia cùm in hac lucta pro universalis pugnetur Ecclesiæ libertate, periculosis universi quam partis pro universo commoditas læderetur, quamquam & aliter valeatis cum Domini adiutorio à dissolutione vos hujusmodi preservare. Ceterum licet satis religiosè credatur quod salutaris hostiae immolatio finem optatum huic negotio citius impetraret, speratur tamen quod si pœnam hanc indebitam pertuleritis patienter, spiritus qui pro vobis inenarrabilibus gemitibus interpellat, felicem exitum super hoc celeriter obtinebit ab illo qui per pœnam indebitæ patientiam, quæ non rapuit exfolendo, redemit nos Dominus Iesus Christus. Quapropter rogamus & obsecramus vos, filij dilectissimi, quatinus attendentes quod jam quasi negotium est in fine, illud inturbare nolitis, sed pensatis omnibus quæ superius sunt expressa propter Deum & nos, qui ferventissima caritate zelamus vos & ordinem vestrum, immo etiam veneramur, hoc in patientia substinentes, insistatis orationibus apud Deum ut adorem culpæ sic molliat quod pœna latores absolvat, pro certo sperantes quod propter indignam pœnam, non solum à Deo, verum etiam & à nobis digna vobis retributio reservatur. Datum Laterani 11. Non. Martij, anno duodecimo.

LONDONIENSI, ELIENSI,
& Wigorniensi Episcopis.

Ep. 11
De cœl. 2
CVm Cisterciensis ordinis fratres sincerissimo diligamus affectu, fraternitatem vestram rogandam duximus & monendam, per apostolica vobis scripta mandantes attente quatinus interdicti rigorem, de quo nobis extitisse acceptum si secundum privilegia sua fuisset ab initio temperatum, circa illos temperare curetis, quantum